



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. III. An tributorum, vectigalium, & exactionum leges oligent in
conscientia?

urn:nbn:de:hbz:466:1-40013

go Disput. 9. dub. 3. §. 2. n. 5. cum Less.
lib. 2. c. 33. n. 49. Lug. D. 36. n. 22. &c.
negativè, nisi pactus sit Princeps liberta-
tem relicto antiquo jure, quia tunc vetus
jus observandum; Ratio autem responsi
est, quia victi justo bello cedunt Domini-
no victoris cum omnibus suis rebus, &
libertatibus, sed cum talibus potest pro li-
bitu disponere, ergo à fortiori etiam abs-
que publica necessitate tributum etiam
perpetuum imponere partim titulo justæ
vindiæ, partim ut rafarciat damnum
sumptum belli. Hinc videtur promanâs-
se illa servitutis species in pluribus Pro-
vincijs consueta, in quibus Coloni, &
Agricolæ non habent perfectam libertatem.

193. Ex his infertur primò, quan-
do hostis injustè aggreditur aliquam Prin-
cipis Provinciam, justè indicit tributum
alijs suæ ditionis Provincijs, hosti nunc
non exposits ad repellendum hostem,
quia hæc contributio est utilis etiam Pro-
vincijs ab hoste liberis, siquidem, nisi ho-
stem rejiciat, erit debilior etiam in Pro-
vincijs pacificis, in quibus postea patere-
tur hostem cum graviore iactura, quam
sit præsens contributio. Lugo Disp. 36. n. 36.

Infero secundò et si Principis bellum
offensivum esset justum, nempe ut recu-
peret Provincias olim ereptas, ut hoc
queat suscipere, non videtur posse gra-
vare Populum novis exactionibus, con-
tributionibus, nisi evidens sit necessitas,
aut utilitas speretur proventura Provin-
cijs. Cit. Wading. n. 2. Ratio: Extra Ca-
sum necessitatis aut publicæ utilitatis tri-
butum non est Regni, sed Regis utili-
tas per adjectiōnem novorum ambientis,
ut evadat ditior, & potentior, quæ
Princeps tunc propriis sumptibus bellate
debet, potest tamen petere à Provincijs
subsidia voluntaria, non autem coget.

Infero tertio Ad bellum justum de-
fensivum justè collectari subditos in de-
fectu ætati publici. Si imminet ab ho-
ste fidei periculum, quamdiu spes est
non succumbendi non solum bona sed
etiam vita ipsa à singulis est exponenda,
quia Religionis bonum prævalet; si ex-
traordinarium tributum non sufficit: Princeps
potest mutuum accipere, & ad id
expungendum cives cogere, nempe quan-
do à miseriis subditi respirabunt, ita Wi-
dingus n. 3. & 4.

§. III.

An tributorum, Vectigalium & exactionum leges obligent in conscientia?

194. **Q**uestio moverur primò quando
tributum est justum; secundò
quando ejus justitia est solum probabilis.

Tertiò, quando est dubia, ubi sup-
ponendum esse de fide, aut saltem fidei
proximum, quod etiam Princeps sacula-
ris possit leges condere in conscientia, &

sub mortali obligantes, ex. c. 13. ad Romi
omnis anima potestatis sublimioribus
subdita sit; non enim est potestas, nisi
à Deo, itaque qui resistit potestati DEI
ordinationi resistit, qui autem resistunt
ipso sibi damnationem acquirunt.

U

Ut autem Lex humana obliget sub mortali, requiritur, ut materia accepta cum omnibus circumstantijs præsertim fine, & conduceant ad bonum publicum consideratis, sit gravis, ac insuper legislator intendat graviter obligare; est enim communior, & probabilior Sententia Soarez contra Vasq. in materia gravi ex sola legislatoris voluntate posse induci obligationem levem. Atque enim agentium non operantur ultra eorum intentionem Cap. final. *De præbendis & dignitatibus*, patetique in praxi plurium Religionum, in quibus variæ Regulæ continentes materiam sufficientem pro mortali, sub hoc non obligant.

Signa porro, an Legislator intendat obligare graviter, sunt: Primò, si lex ipsa tantum reatum exprimat, aut ex communione Doctorum, aut hominum existimatione id constet. Secundò si in materia gravi utatur præceptivis verbis v. g. *præcipimus, mandamus, jubemus, inhibemus, vetamus, teneantur &c.* (Secundù sequentia secundum se accepta, *volumus, decernimus, ordinamus, statuimus, sancimus &c.*) Tertiò: si violatoribus lex infligit gravem poenam, Verum hic opus est distinctione de poena spirituali, & excommunicationis majoris latæ sententia: talem enim lex imponens, et si non utatur verbis præceptivis nihilominus obligare in conscientia est certa Sententia apud Amicum *hic Disput. 5. n. 213.* privat enim hominem coram Deo aliquo spirituali bono, ergo culpam coram DEO facientem illum indignum tali bono supponit.

An autem etiam poena gravis temporalis v. g. mortis, confiscationis bonorum sit indicium directæ obligationis in con-

scientia, vi legis pure penalis non est certum: communis quidem affirmat cum Lessio Lib. 2. c. 33. & n. 59. Suar. Vasq. quia pena proportionatur culpe. Alij negant cum Reginaldo, apud Dian. p. 1. tr. de Legib. Resol. 17. & seq. quia si directè lex pure penalis obligaret ad actum præceptum, aut prohibitum, jam non esset pure penalis sed mixta, quales leges ex Ecclesiasticis sunt illæ, quibus feruntur censuræ, & irregularitas ex delicto Laym. L. 1: tract. 4. c. 15. n. 2. dicitur autem Lex mixta, quæ obligat tam sub culpa, quam sub poena. Ceterum est tententia ferè ab omnibus recepta apud Amicum. n. 182. contra Cajetanum, quod Lex etiam pure penalis obliget mediare sub culpa, quantum suppositâ violatione obligat ad poenæ acceptationem, alias lex foret inefficax.

Difficultas itaque est, an leges imponentes vectigalia sint, pure penales, vel vero immediatè obligantes in conscientia ad vectigalia etiam non exacta danda? obligare in conscientia est communior Theologorum, & Canonistarum, Wiest. de censib. n. 82. Engel. de Constit. n. 45. negativam non esse improbabilem censem multi apud Caspensem Tom. r. de legib. Disput. 3. n. 43. docentem in praxi esse tutam hanc sententiam Bass. to. 1. Verb. Gabella n. 4. & 5. Navari Summa c. 23. & n. 54. & 60. Less. lib. 2. c. 33. n. 55. & seq. &c. Leges enim civiles, nisi oppositum aliunde constet certò videntur esse contentæ poenâ. Unde Tambur. L. 1. in Decal. c. 3 §. 8. n. 12: ait leges civiles defacto raro, vel certè non frequenter obligare sub mortali: Cardenas Cris. Theol. Disput 16. n. 68. Scribit ut plurimum esse leges penales.

195. Di-

195. Dico subditos obligari in conscientia solvere tributa etiam non exacta. Primò, quando constat de eorum Justitia; Secundò quando non constat de tributi injustitia positivè, immo etiè positivè sit justitia tributi strictè dubia, aut etiam utriusque æquè probabilis justitia, &c. injustitia; secundù si constet evidenter esse imposta secundum Sententiam minus probabilem, hac pars sequitur ex n. 291. Pars prima probatur: tum ex scriptura relata n. 191. tum ratione, quod ejusmodi tributa justa debentur Principi ex pacto oneroso, & reciprocō, nempe aut titulo alendi ipsum, aut succurendi publicis necessitatibus, utrīque titulo est obligatio satisfaciendi ex pacto oneroso, vicinus Princeps spondet se, suamque operam impensurum, pro conservatione boni communis, subditi vero promittunt necessarios sumptus.

Pars secunda probatur, & simul confirmatur prima contra Lugo *Disput.* 36. n. 89. & communio rem, ubi est jus certum exigendi tributum, ibi est obligatio certa id solvendi in conscientia, uti liquet ex definitione juris, sed quamdiu subditis non constat de injustitia tributi, est in Principe jus certum id exigendi, eo quod tunc stet præsumptio pro Principe: quia maluum non est præsumendum, sed probandum Laym. L. 1. tract. 1. c. 5. §. 2. n. 12. atqui quamdiu stat præsumptio pro Principe, est in hoc jus certum exigendi.

Pars tertia de justitia tributi strictè dubia. Nempe quando intellectus ob rationes utrinque repugnantes hæret suspensus impotens formandi judicium pro altera parte. Tum quarta de æquè probabili justitia, ac injustitia probatur: adhuc enim stat præsumptio pro Principe, nec potest spoliari jure certo exigendi ob probabili-

tatem injustitiae præcise. Pars utraque ex Valsq. contra Lugo n. 91.

196. Objicies contra quartam partem, quando tributum est probabiliter in-justum, est probabile, quod Princeps ne-queat id præcipere; Certum enim est quod jurisdictio se non extendat ad præcipien-dā illicitā; sed quando probabile est Princi-pem non posse præcipere tributum, pro-babile est subditos non teneri obedire sol-vendo tributum, ergo. Minor probatur: quando probabile est non posse præcipi tributum, datur opinio probabilis deob-ligans subditos ab obedientia, sed stante tali opinione probabili, subditi non te-nentur obedire solvendo tributum, *Resp.* Primò argumentum probare ni-mium, nempe quod nec posset præcipi tributum, quando probabilior est ejus justitia.

Resp. Secundò nego majorem dummodo tributum sit probabilius justum. Ad probationem dico posse præcipi actum ex principijs directis illicitum, ac inju-stum, ut hic exactionem tributi quando ex principijs reflexis est evidenter justa, ac licita, qualis est in nostro casu, dum ex principijs directis est probabilior ejus justitia, tunc enim intellectus se refle-xens supra opinionem directam proba-biliorem de justitia tributi, evidenter dictat esse licitum usum talis opinionis ut-pote conformem prudenti dicetamini: Sic discussâ majore nego minorem. Ad hu-jus probationem nego majorem, quia quando ex principijs reflexis est evidenter licitum tributum, datur certa jurisdictio in Principe id præcipiendi, cum qua cer-titudine repagnat stare opinionem deob-ligantem subditos solvere tributum.

§. IV.